

SESSIONE URDINARIA DI U 2025

RIUNIONE DI U 3 DI DICEMBRE DI U 2025

N° 2025-M4-11

**DUMANDA URALE DEPOSITATA DA SAMIR BECHERIGUI À NOME DI U
GRUPPU VOCE NAZIUNALE**

Uggettu : A FRANCISATA BASTA

Sgiò Presidente,

A francisata dura dapoi dui seculi è mezu ma a lingua ùn hè mai stata cusì vicina di sparì. Malgratu certe misure pigliate per mettela in u cutidianu di a ghjente, hè di menu in menu presente in carrughju. Peghju, hè diventata un uggettu puliticu.

Aldilà, e mosse culunialiste sò sempre quì. A lettera di u Presidente di u FCPE 2A Claude Perrin, e decisione di i tribunali di impedisce di parlà corsu in l'Assemblea di Corsica...

Di pettu à 'ssa lettera propiu culunialista, ramintemu chì a lingua di a Corsica dapoi seculi è seculi hè u corsu. Nimu puderà impedì u populu corsu di fà campà a so lingua in terra soia.

Per ciò chì tocca à a decisione di i sfarenti tribunali, qual'hè chì pò impedisce à un Corsu di parlà a so lingua in la so assemblea ? U prublema hè più grande ch'è e sentenze di 'ssi tribunali. U prublema ghjè a

custituzione di a Republica francese, ch'ella hè giacobina. Se a custituzione ùn ricunosce a lingua corsa, mai a lingua serà ricunisciuta da un tribunale. A rivendicazione ch'è ci vole à purtà ghjè quessa. A francisata troppu hè durata...

In lu quadru di e discussione di Bauveau u guvernu francese ha fattu una pruposta, quella di creà un "serviziu publicu di l'insegnamentu". A delegazione di l'eletti corsi li facenu prò. Sgiò Presidente di l'Esecutivu, incaricatu dinù di a lingua corsa, cosa hè ? Cum'ellu ha da salvà u corsu ?